

芙蓉山館全集

芙蓉山館詩鈔卷二

金匱楊芳燦蓉裳著

觀朝雨

朝雨江上來連山渺無際輕煙溼不飛閒雲去還滯幽花解紫
苞野鳥落輕羈庭樹珠光泣缺岸環流細文通麥未收仲蔚門
常閉窮居衡茅下坐惜光陰逝安得萬里風長空掃氛翳

子夜變詞

君不見美人嬌小藏金屋衮服新妝採芳蘂玳瑁簾開境似仙
珊瑚鏡照顏如玉柳外斑離認陸丞花下紅絃唱黃督一笑相
逢播搭郎門前白水近橋梁邀將月彩歸蘭帳種得蓮窠抱玉

牀裁羅只贈新歡子倚曲頻翻夜度娘迴身放入歡懷抱儂作
雕鑪歡作香鐵鹿長橋畱不住阿歡向曉開門去秋雨螢飛並
蒂花春風鶯語相思樹生憎金縷畫門楣枉取沈香帖欄柱背
畫天圖子負星手傾鐵冶儂成錯蟬衫麟帶幾時還空寄揚州
蒲鉞環憶得淚淹蛩鉅禪分明夢到鳳凰山芳草萋萋二三月
不堪冉冉韶華沒牛踏沙痕認宿蹄龍蹄藥店存枯骨黃蘗偏
生梅樹邊含酸忍苦一年年舞衫拋去瑤釵折博得旁人說可
憐行雲泥絮空畱戀何處因風託方便桃葉輕舟祇載愁芳姿
團扇羞相見與歡相見在何時玉局空陳未有碁倦按皂莢煎
衣藥嬾取桃花合面脂儂說三更書石闕阿誰解是夜啼悲

團扇詞

小闌閒煞好花枝萬綠如烟雨過時莫唱流連團扇曲秋風瘦
損謝芳姿

輕羅小扇竹方牀乍試生衣減舊香貪凭紅牕看明月露華吹
上玉釵涼

題青溪女史蓮花冊子

美人家住青溪曲記得芳名喚珠淑蘭氣宜餐石葉香韶顏似
琢茗華玉明慧天然林下風銷椒咏絮最能工嬉春不鬪呼名
鵬視夜常聽待漏龍弄墨燃脂坐瑤薦玉臺妝罷無人見貼地
團窠青雀裙敲風寶粟金蟲釧丹青結習未能忘畫本徐黃蜀

錦裝玳瑁牕明朝點筆琉璃硯冷畫研香雁來燕去韶華暮鴂
鳥爲媒坐相誤可惜羅敷未嫁年早跨飛鸞入瓊圃蟬文蠹簡
總飄零鬼唱秋墳不可聽剩得鏡奩三尺絹芙蓉花底憶娉婷
風鬟霧鬢湘江道羅襪凌波自娟好可是卿卿自寫真芳根度
出污泥早想見湘簾小閣邊杼衫揜袖譜清妍拈來香粉真如
夢點到明珠不肯圓此日休誇寫生手圖中悵恨君知否蛺蝶
雙棲並蒂花鴛鴦穩傍同心藕冷香寂寞奈愁何願證無生儻
鉢羅不羨橫塘小兒女畫船輕槳采蓮歌亭亭瘦影川田葉露
重烟寒那堪摘白憐妾命不如花誰說花顏勝如妾彷彿湘娥
贈錦裘洲鉛吮粉費沈吟箇中不畫青蓮子恐被旁人識苦心

熒熒犀角珊瑚暈不爲殘。秋減丰韻。裝池綠皺。衍波箋。壓尾紅
鈴。碎邪印。苦雨闌風。長板橋斷。腸碑碣。小墳高。寒宵歸。鼠巢荆
棘。黑月。鵲鵲哭。葦荻花。魂凋落。增悲痛。嚴霜剪盡。相思種。蓮座
應飯。選佛場。蓮舟好。做游仙夢。天葩吐。艷世無雙。冉冉紅衣照
碧滄。錦袂珠囊。好珍重。莫教紅粉墜。秋江

閒適

微風吹紫蘭。襟袖生幽香。開牖撫玉琴。湛湛明月光。徘徊下前
除。清景不可度。垂蘿結飛烟。餘花墜暝露。丹經伴雲臥。愛閒復
懷仙。龍鸞不可待。蓬壺路茫然。牕引天翠虛。池涵水華碧。冷然
夜已深。松峯起寒色。

青山莊歌

誰家園枕青山麓野棘荒榛亂人目洞戶交銀蝕土青壤牆滯
浪粘苔綠瓦碎香姜剩故基摩挲斷碣總然疑路人指點爲余
說曾見名園全盛時名園臺榭遙相接壯武家聲傳八葉珍樹
春深集紫鸞蕙欄日煥延紅蝶冶遊子弟盡雕華連轡經過趙
李家璫勒珊瑚盤宛馬繡衫白哈訪奇花戲馬尋花不知倦青
衣又報開華宴醉客玻璃七寶杯贈人螭螭雙翎翎銀篴
樂未央鵲爐微炷水沈香煎酥蠟代勞薪鬚博進錢將寶斛量
孫家荆玉芳年少莫家瓊樹清歌妙鳳脰燈明粉牋迴麟臺簾
捲紅粧笑人傳王謝舊烏衣少俊聯翩世所稀從道風花春畫

永甯知歌舞彩雲飛浮生一枕黃梁夢繁華轉眼成悲痛蕭庫
飛蛺一旦空紫標紅榜成何用雕欄文楣持與人權離敵側半
無門到公奇石饒爲曰杜老長松伐作薪潺潺壞道哀湍去荒
徑無人鬼相語猶有兒童拾斷斂記得當年教歌處黑月淒風
烏夜啼野棠花落竄狐狸重題舊事君應淚欲問遺蹤我亦迷
乍聞此語心悵快世途翻覆猶迴掌綠野堂荒麋鹿遊平泉莊
廢蓬蒿長欲去還留倚短亭夕陽城角不堪聽無情最是遙山
色闌盡興衰眼更青

春江花月夜

華月流光夜潮滿春嬌入骨瓊花煥明波不動錦帆迴殿腳三

千闌歌管紅梁一醉夢都迷江水無情不向西萬斛衰螢葬秋
雨玉鉤斜畔子規啼

潺湲引

潺湲引者令貽伯氏自度曲也伯氏工琵琶製此曲癸
巳夏夜聞之廣勤齋中喜爲作歌

我曾夜宿青山裏萬壑松泉入幽耳跳珠散玉令公喜今夕何
夕聞此聲檀槽金屑鳴根根悅疑闌風巖上行足底水樂流琤
琤慢撚輕攏夏宮徵一派笙聲赴纖指綵霞亭亭華月起寂不
聞喧夜如水忽然入破不可聽變幻萬象歸空冥驚挺彈舌韻
噉噉老鶴刷羽音泠泠水明洛渚降窮寃草枯青冢啼娉婷三

尺玄絃裂秋練四條瘦玉敲寒星飛流瀉入金碧浦瑤漿迸破
琉璃瓶靜中不辨洄與潯鈴碎佩鏘瓏玲我聞此曲狂興發
拂袖竟欲凌風颺人間絕調許誰和紫晨擊磬緱山簫曲終飄
落神靈雨幽修仙與湘娥語潺湲餘響流不住一片空山冷雲
去

偶成

飄館梧桐樹先期報早秋一庭涼雨過滿地碧雲流犬吠人爭
渡鴉啼月上樓誰憐今夜客又作去年愁

夜半

華風吹缺月半夜上南樓涼簟回殘夢明釭照獨愁葉隨螢影

墮露入竹根流誰遣眠孤館徬徬易感秋

美人篇

燕啄樓前楊柳花紅樓十二美人家菱鞋帳捲含香霧瑋瑋牕
開爛曉霞香霧曉霞相照映侍兒朝拂盤龍鏡綵絡垂垂嬌鳥
呼金鈴隱隱鴝兒醒顰面纔煎五蘊湯褰帷小步下斜廊螺痕
巧畫南都蕓花餅新翻北苑妝出水芙蓉競朝日含嬌含態付
無匹輕擲蛛錢愛賭碁薄施狸薦親調瑟慧性玲瓏出化城樓
春何處最關情櫻桃花下三分月荳蔻稍頭百轉鶯南曲長干
踏青路珠扉小立窺紅步璫勒雕鞍逐隊來諸子繡襦尋芳度
誰家年少駐羊車細語殷勤問妾居只爲才情憐犬子也緣姿

貌認檀奴君情妾意相縈繞萍梗因緣託蘿薦貽妾青瑤鸚鵡
環贈君紅錦蜻蜓帽織女黃姑水一涯不愁約誓雨難諧佳期
願攬同心結祆讖休成獨見鞦韆春鴈秋蟀韶華改誰識相思易
憔悴怨曲聲聲歎白頭冰壺顚顚承紅淚可憐魚雁久沈浮烏
柏門前盼客舟待月倦傾銀鑿落催花怕聽鈿篋夜深響卜
青銅片可許今生暫相見已拌長恨五留連誰看豔飾雙行纈
亞字牋東獨憶君燒殘鳳腦思氛氲妾身已是沾泥絮不作巫
峯別岫雲

綠珠曲

雙角井泉寒咽咽玉龍哀叫情天裂一斛珍珠換淚痕血花碎

自來山言金卷二
作珊瑚雪

艷骨成塵到地香更無鸚鵡喚珠娘
桃花零落吹紅淚夜月高樓一笛涼

夜夜曲

洞戶迎涼吹晶簾凝夜光愁人不能寐
躑躅步斜廊斜廊寒色裏露氣清如水
鶯鶯香夢醒菡萏芳根死烟彩冷冥冥
娥池漾落星含情倚羅幌背面對銀屏
自憐妾命薄千里相思各此箭水頻催
鯨燈花又落琪樹爲誰攀征夫山上山
拔開金屈戌擊碎玉連環幽懷耿難訴
韶華空擲度織成魚文錦寫遍鸚鵡毛
素妾意託春潮君情竟寂寥望歡歡不
見玉貌淚中銷夜永愁相

續形孤影相逐殘月不成光濛濛上疎竹

狂歌贈吳斧仙

饑鷹能啄肉倏爾凌九霄餓麟不噬人誰爲落一毛男兒失足墮塵劫斷蓬飛絮隨風飄但令胸有三尺錦筆有五綵毫凌轍屈朱駟雄喪家無儻石亦足以自豪生不讀致富書死不入貨殖傳莫言酒削與賣漿齷齪錢愚吾所賤市兒哆口笑不休如君自合終窮愁聞言不荅掉頭去扃扉吟嘯聲野墜居無華堂卧無被窮年薪米難爲計拔劍空爲斫地歌擊甌尙有干雲氣世人吝一飯餓死韓王孫義不受人惠區區甯足論吳兒木石心如君最耿介才名溫人又禮數方三拜咳唾紛珠玉著作高

等身青蓮去已久，倜儻無其倫。成言可一家，流輩推爲伯。人生
良已足，何爲坐鳴呃。朝不食，夕不食，出亦愁，入亦愁。安得葡萄
十斛，恣拍浮。下視俗物如蜉蝣，我曹踏地有千古。金紫貂蟬那
堪數，局局甘爲轅下駒。營營肯慕倉中鼠，羣收虎爪持霜金。御
風昨夜空中行，城頭嚴更四五聲。滿庭秋氣寒稜稜，脫帽狂叫
爲君吟。繁音促節傷我心，傷我心，淚盈臆。腰閒寶弓勁如鐵，可
憐有虎不得射。

董小宛貼梅扇子歌同錢竹初賦

九華宮扇裁紈綺，錯翠鉤紅世無比。甯須漢殿織麟毫，不向謝
家誇墨尾。活色生香點綴工，折枝梅萼影重重。孤山萬樹花如

雪飛入卿家便面中奪得仙人掃花帚收拾冰姿出塵垢畫圈
嬌面試春風未要徐熙誇妙手纖指拈來上碧綃忍令香粉逐
春潮招涼曲院藏羅袖待月西樓傍翠翹吳儂小招紅牙脆掩
映歌唇逞妍媚吹到嗚嗚鈿笛聲恐教顚顚冰花墜煙疏月魄
太分明入手翻翻蟬翼輕借問當年誰鬪巧依稀記得董雙成
雙成家在金陵住門前便是長干路射雉參軍正妙年飛梁架
就銀河渡錦幕文牕貯粉兒明霞爲骨玉爲姿劇憐妾命如花
薄偏遇霜欺雪壓時當筵曲唱家山破高家兵馬闌江過細雨
關山正斷魂澹妝恐被塵埃浣歸來魚鑠鑠重門寒食東風度
好春妝閣新翻方麝釵一枝爲贈遠遊人素英狼籍梨雲凍一

去珠宮騎綵鳳塵世難逢萼綠華師雄空入羅浮夢
簷頭點點淚花圓刺豎零絃總可憐君不見謝娘團扇曲
一般辛苦五流連

廢寺

松杉鬱然深造指空王宅入門無人聲棲鶻驚磔磔卧鐘苔篆
青頽牆土花赤塵埋狻猊首泥塢龍象脊古鼎冷不然殘僧瘦
如腊宵寒鬼吹鐙徑僻犬疑客飛鷗互格鬪鳴鑿聚嗽噴銷磨
匪自今繁華記猶昔劫灰歷千載慧眼纔一瞥變滅殊無端持
以問禪伯

寓感

倚竹蕭蕭彩袖寒爲誰憔悴帶圍寬思如園客縑千尺淚似鮫
人滴滿盤慵奏新聲調火鳳頻封密字託青鸞中庭檢點閒花
草莫種相思種合歡

少日人誇咏絮才華年如水苦相催獸環銅澀花樓閉鳳腊香
銷黛帳開記得小名書玉冊曾因歸夢到瑤臺蕊珠幾許游仙
伴不爲多情不下來

珠帷帖地掩蘭堂寂寞銅蠶漏水長榆塞路遙稀候雁鍼樓瓦
冷下寒霜時常搖落難回首人爲聰明易斷腸獨向合歡牀畔
坐愁眉慵髻不成妝

庭院深深道韞家白銅鋪映綠牖紗朝妝嬾試金跳脫夜被空

薰玉辟邪閒展畫又臨北苑每尋仙籙憶東華懺除慧業渾無
計願上瑤壇掃落花

任他豪竹閒哀絲未抵儂歌子夜悲龍落店中餘瘦骨鐙明玳
上只空基浪乘幽夢尋梧子獨守虛幃咽藥枝翦盡田田千萬
葉也應天有見蓮時

亞字欄干猩色屏羅衣如霧倚娉婷彎環月照雙魚鑰蘊藉風
搖九子鈴小砑燼燼填恨字自持犀琰酌湘醪隔牆徹夜檀槽
響那管愁人不願聽

迢遞蓬山路幾千怨他鳥使不相憐定情空贈琉璃七佳約難
傳翡翠鈿鏡裏朱顏銷往日夢中紅淚泣韶年來生願作青萍

葉傍新鷺鷥個個圓

聞道慈航慧海過拏儂成佛到修羅也拌齷齪銷烏鰂不還新
愁上黛螺一卷金經繙貝葉半鱸膾篆體維摩還憂小劫難偷
度阿母偏逢九子魔

曉仙謠

碧桃花謝露華寒笙語幽修喚玉鸞十二飛樓人小立曉霞紅
似曲欄干

冬夜曲

雪欲含春語雲初約夢歸夜長燈燄短愁卷楚羅幃

短歌

公莫舞聽我歌繁音促節傷坎軻淚痕霑袖斑斑多生前一盃
酒身後一邱貉問君何爲慘不樂途窮自合困饑寒身賤何妨
委溝壑嗷嗷征雁求其曹夜闌歌歇風刁騷搔首迎望明星高
跨鶴將安歸騎虎不得下家徒四壁苦無藉撫劍悲歌向中夜
愛博竟無成放顛輒遭罵不從薛公博倦學樊須稼身世茫茫
足悲叱食牛倘得五穀皮且向豪門問奴價

謝朓割氈來伯桃脫衣贈稱貸無端累友生我躬貧薄天所命
萬端耿耿橫心胸窮交今古誠難逢少來義不當人惠到此愧
赧難爲客冥報相貽虛語耳男兒飢餓倘不死若負公恩有如
水

栢絲利屣五文章
璧者著之無輝光
錦囊身毒八鉢鏡
盲人持照不見影
靈珠委泥沙
白璧沈草萊
珍奇棄置良足哀
男兒富貴須及早
誰能刺促相看老

誰積萬斛粟
易京走麋鹿
誰藏千窖錢
金谷生荒烟
黃頭郎君竟餓死
銅山摧塌殊可憐
搜括金刀聚珍寶
蕭家阿六生活好
紫標紅勝散如沙
齷齪錢愚何足道

衡門風雪寒蕭蕭
中有一士方纓袍
半牀苜蓿積塵土
旁觀嗟惜妻孥嘲
道逢癡肥兒聯翩數十騎
黃金絡頭青絲轡
蹀躞交衢炫都麗
汝曹但足誇兒童
脫下衣帽欲何計

欲耕作無良田
欲行買無金錢
男兒讀書真大錯
一卷青緇飽

花蠹豈有陶朱致富書空作揚雲逐貧賦他年整頓鐵襦襜臂
鷹放大南山岡

巖城隆隆四更鼓空室精靈聚相語陰雲滿野昏不開老樹鴝
鵒嘯起雨南來征雁謀稻梁蘆汀沙渚羣飛翔我獨何爲困溝
壑不得搏扶上寥廓

猶風怒號雲氣惡嗚咽荒城響哀角黑月無光鬼車哭今夕何
夕歲歎徂朔氣凜冽皴肌膚銅盤殘蠟青模糊腸中九曲轉愁
縷握筆酸呻不成語踟躕空庭涕如雨

少讀東華錄曾慕求神仙更遇方外士授我黃庭篇閉口嚼紅
霞輕身凌紫烟追征僑侶偓佺鞭鸞笞鳳紛翩躚金丹久不成

回顧心茫然君不見鮑魚一石腥風起茂陵桃樹蟠根死漢武
秦皇尙如此

學仙既不成不如圖作佛斗室焚旃檀函展金甌西方舍衛
國峨峨青蓮花三十二相觀如來千百佛朝頻伽人生如電
復如泡火宅煎熬人易老六根八苦永糾纏堯率天宮豈能到
龍劍忽鳴嘯誰望長安發大笑丈夫生世有壯懷何辭跋涉適
長道踴馬出門去踰巖度嶺驕元猿跳梁杜鵑叫雖節高歌行
路難虎牙銅柱金牛關摧輪折軸胡不還

君不見文通貧採樵叢中拾得黃金貂僧孺少鬻布道逢騶卒
溝中墮朝吁暮喟愁不歡古來才士多孤寒子昇賃馬坊褚生

困牛屋鬱鬱終天恨不銷誰憐風樹皋魚哭

和晴沙舅氏謁惠陵作

益州險塞今何在四尺蒿墳尙屬君孺子無心綿帝祚譙侯多
智識天文蠶鳧王業三分定貔虎雄師一炬焚終古英靈遺恨
在峽流嗚咽不堪聞

玉壘川山拱帝都櫻桑片土敗雄圖普天齊奉黃初歷大統終
歸赤伏符八陣風雲長護蜀千年魂魄悔征吳相臣逝後降車
出難問流離六尺孤

回首荒宮是永安棧雲關樹路千盤沙沈斷碣文章碎峽鎖危
祠劍佩寒此日邨童喧社鼓當年上將築靈壇行人駐馬斜陽

外一薦蘋蘩恨渺漫

王氏漢銅印歌

吾鄉王殿撰爲秦中學使時大吏窮治部民盜篆事王
公因得漢印數百以歸余於其曾孫光顯齋頭見之已
散失殆半矣爲作此歌

北邙山勢何嶄巖聚斂魂魄歸蒿蕪墳封馬鬣土脈旺碑劖
篆刀鋒銛兕皮作槲堅且韞蜃灰聖壁幽而潛深林祇有陰
苔語黯隧不見陽輝暹健兒嘯聚試身手黑夜竊發揮鉏鑿
石匪雙閉脫肩鑰鐵鐫碎落無帷帘碧玲唾壺積玉盃雲母
卧榻青銅匱墓前椎碎捧燭矍懷中盜出滴水螭最多槩槩
古印檢取

去一一拋榛蕪可憐棄置賤如土誰能購取酬以繼王公遠宦
越險阻古物入手窮該兼奇蹤詭蹟搜欲徧爛銅殘鐵求無厭
俸錢探囊已罄竭古癖刻骨難鍼砭裝充翡翠不足羨車盈惹
苴甯傷廉攜歸幽齋自摩玩未許俗客來窺覘匣將玲瓏暨徽
尾配以縣麟和盦鬻土花斑剝鸚鵡鏽血暈拉雜珊瑚鈴龜螭
壓鉅妙刻畫蚪蛟蟠字驚觀瞻嗟余好古生苦晚韓對此懷舊
情難快雙眸諦視屢眴轉寸喙噤斷空神醺官銜缺齟齬屈
篆籀佶屈如疇臚中樞權勢山岳重部曲號令風霜嚴虎符制
閭閻頻押龍章降省名同僉微物閱世久仍在餘威炙手今已
燼吁嗟乎山陵半入劫灰黑玉石莫逃野火炎世餘此物未磨

泐天豈有意存微纖荒原颯瑟伴孤兔幽巖黯黹叢蛇蚪精光
夜上觸牛斗靈神默護趨屏黔爲幸精英盡洩露旋恐零落無
留淹著書重訂琳琅譜蘊奇密鎖瓊瑤械未央宮瓦礫作硯上
林苑竹磨爲籤蕭齋得此足三絕縱有奇賞無容添

早春詞

水晶簾外篆煙飄春在牆東荳蔻梢喚取扁舟載愁去雙橈移
過畫眉橋

長堤纖草綠初勻節過傳柑物態新一樹香桃如瘦骨退紅衫
子立春人

早羅襪額壓紅棉珍重春寒上寶釧樓角明星闌角月試香風

裏落梅天

錢忠懿王金塗塔瓦歌

背有篆文曰顯德二年乙卯
錢王宏假製向在西湖寺

貝闕琳宮散華闔云是錢王布金地椒牆剝落帖花裡龍帳森
寒鎖幽魅訪古人來叩法扇摩挲神物易飄零天衣中坼青猊
座劫火延燒白甃經贖有嵯峨相輪在土蝕堊垣經幾載什襲
欣看趙璧完護持不共梁甌碎刻蠶丹青入紉麝幡幘瓔珞現
修羅徧傳大衆優婆塞共禮前朝宰堦波相傳此是宮中物錢
王舊事人爭說虎落雄圖十四州龍天慧業三千佛良工當日
試雕鏤朱火烏金躍冶流七級浮圖初鑄就人天珍重勝琳球
無端納土京師去蒿草蕭條故宮暮內府圖書秘色繁流落人

聞不知數瓜子南金賂趙公十瓶海物尺書封瓊蹕輸去黃犀
盡那有餘貲給梵宮塵寰無路求回向不知去逐降王長談禪
早已放屠刀鏖戰底須排甲仗麟帶貂袍拜太師一家湯沐奉
恩私始知北面朝元日卽是西方證果時閒來日寫金經誦此
塔依然作清供翻笑癡兒卧榻旁等閒不醒維摩夢斷鐵零金
總可憐劫灰寒燧不重然幾行蝌蚪書名字并識柴家乙卯年
好奇今有平原子購得奇珍歸趙氏
余友毘陵趙映川購得之瑣瑣饑蠶蝕
碎黃斑斑古血凝殘紫洛下銅駝荆棘荒仙人流淚別咸陽古
今一例難回首幻影空花悟法王

春閨思

掠削妝新倚繡櫺。攔門竟日不安橫。裏沾甲煎龍。綃重鬢。著
蘭蟬翅輕薄。暝簾櫳。飛燕影細。風庭砌。落花聲。無聊又掩屏。山
睡一枕春愁夢不成。

試燈詞

九分圓月湧珠華。柳外東風散暮霞。銀海潮生天不夜。春星萬
點落誰家。

博山鳧子水沈薰。香繞金泥蛺蝶裙。寶萼千枝迷夜色。小樓紅
上美人雲。

織雲卷盡碧琉璃。銀漏泠泠月漸低。七寶闌圍鐙四面。夜深移
影過花西。

當筵按罷紫雲迴，鈿笛低吹唱落梅。一片花光照涼雪，水晶簾卷夜珠來。

正月十六夜

春星窺戶薄寒增，坐到銅荷燭淚凝。對酒不堪聽白紵，山只擬辨青藤。夢迴水榭人吹笛，風滿江城夜落鐙。瘦盡梅花消盡雪，後堂簾幙正層層。

瑤宮仙子掌花曲

碧雞曉唱扶桑枝，白榆照眼光參差。盤龍明鏡鑒嬌影，蕊珠宮裏新妝遲。雀扇圓掩神女花，前顧影低徊。語璫壺一點忙雲膏，灑向枝頭作香雨。迦陵仙鳥雙紅翎，銜書密約千娉婷。當筵

小飲不成醉蘭艸宛轉吹幽馨娃鬟悄遞蓉城信催花小牒泥
金印綺閣新更舞鶴衫犀梳巧掠鳴蟬鬢油幢雙引朱斑輪陌
頭欸欸追輕塵仙芬昨夜染花骨桃腮柳眼都含顰閒來自掩
文鱗鑰蒜影低垂壓簾箔涼露如烟麗草香春風無影瑞華客
欄前千頃瓊田寬斑龍嬾耕玉子寒夜深獨坐校花冊蠶眠小
字絲盤盤人閒鴈鴒呼春早零落嬌魂滿層道一樹棠梨傍夕
陽碎紅顆顆如錢小

寒食日九龍晚歸

買得蜻蜓一葉輕叩舷歸路不勝情那堪佳節遡巡去又背名
山宛轉行新水遠浮菱葇綠夕陽低低傍驚鷺閒無聊賸有微吟

興遣和漁童款乃聲

廢宅行

殘蘿絡牆苔覆瓦雙掩朱門夕陽下
路人說是將軍家珠歌翠舞曾繁華
昔年籍沒入官府大印嚴封少人住
瑯欄寂寞凝暗塵衰桃墮紅吹古春
樓頭野鳩來哺子鼠閉空厨欲死深宵
黑月照斜廊虛響疑人復疑鬼彈指滄桑
能幾時廢遊魂窟不須悲君看今日桑
麻地半是當年臺殿基

古冢行

白楊三尺巢訓狐羣飛樹頂爭哀譟
髑髏歲歲葬秋雨血花迸作紅珊瑚
拜壇高處苔錢溼漆炬宵來挾沙出
棠梨吹霧冷冥冥

冥春風到此無顏色墓前松樹三兩窠野蠶蝕盡空枝柯樵人
持斧斫將去至今望裏黃蒿多麒麟僵卧左肢折斑剝紅脂似
凝血豐碑篆字半模糊移作前村浣衣石

泛舟

筍鞦橈笠爲春忙竟日沿洄繞野塘蕭寺遠猶聞粥鼓扇月寬
可著琴牀一陂新水蒲牙淨兩岸繁花蝶粉香無奈吟情近疏
索小奚歸去只空囊

飛龍宮歌

潞州城上黃龍起潞州城中瑞雲紫龍種作事非尋常鐵騎宵
飛入宮裏歡譟人趨白獸門李家重關舊乾坤黃麻且下恩如

水綈仗農排騎似雲昇平樂事今朝見鯉海雞林慶清晏報道
官家幸潞州虬車昨下神龍殿凝笳清吹來故宮虬髯膽額名
飛龍搥牛醢酒縱高宴漢祖不須誇大風屈指龍飛年十九北
戶年年歌大有玉敕飛來禁捕魚恐教龍落漁人手端正樓頭
夜宴高嘈嘈橫吹閒秦箏翠盤舞破霓裳曲不道龍髯竟作妖
從此漁陽鼙鼓動猪龍撼海驚波湧苦霧愁雲入劒門江頭宮
殿空如夢回首烟氛一掃開哀鵲啼血喚歸來雙魚夾檣奔江
渡父老爭看龍馭迴射生五百持弓矢阿瞞此日幾兵死辟穀
南宮鎖鑰嚴滿眼淒涼怨龍子餌石燒丹總渺茫鼎湖歸去路
途長行人欲識龍蟠處蔓草斜陽金粟岡

寄題袁簡齋師園居

不是迎詩客經時掩竹扉
草深行藥徑花覆釣魚磯
石古苔成篆花香蝶換衣
春來足佳味白蕤帶霜肥

傍石藤爲架臨溪樹作橋
藥欄飄鶴毳萍渚開魚苗
酒料封春甕詩丸納木瓢
何當拂桂棹問字不辭遙

知足猶耽讀忘機不廢詩
晚風猿蝨落新雨樹蛾滋
去鳥有遺響遠山無定姿
美人隔天末憑眺足相思

暮春清華從祖招貧谷叔亦齋兄小飲寶綸堂時牡丹薤

蘭盛開卽席命作

銀雲櫛櫛鋪纖羅半規蟾影沈微波
春風笑人人自笑不飲如

此良宵何七寶香車五明扇百卉爭呈晚妝而才子工吟鏤雪
詞主人早做催花宴相邀南道阮嗣宗更約束東頭陸士龍酣歌
共惜蘭夜短沈醉莫放螺杯空花紋榻子烏皮几揮麈高談衆
香裏釧影蠕蠕寶篆明蠟珠顆顆銅荷紫滿庭烟重月斜時和
芍烹椒入宴遲供饌爭應剗玉版堆盤魚盡膾銀絲落落高雲
墮烏鵲巖城欲上菱蕤鏰滴水生憎銀箭催當筵更引金盞酌
良會芳筵欲別難夜深花堪露華寒卷簾重看千年藥把盞頻
澆九畹蘭出塵標格傾城貌宛轉風前共顰笑湘娥倚竹影迷
離妃子熏香態妍妙小步名園六曲廊酒闌百感正茫茫我憐
癡絕王家叔誰識愁多衛氏郎昭華小瑄花前壓更數花房掃

花葉九枝燈影傍花明驚起花心綠蝴蝶爲祝名花歲歲開緘
書邀客約重來金鯨壓酒舫船滿一月花開醉百回

和唐張夫人拜新月詩

拜新月拜月出疏櫳簾隱螺痕碧香煨獸頸紅拜新月拜月妝
臺畔翠幔上龍鉤珠樓弄花瑄拜新月拜月暗尋思記得妙年
時憑欄看樹影映水掬雲絲蘼花開盡陽春暮迷離宮飛雉東
去魚信難傳碎葉城蟾輝空照衰蘭路擗枕桐絲管猶眠低頭
彈淚落金鈿那能三五闌闌月長照紅闌二八年

水仙祠偶成

斜港流花影輕雲逗雨絲愛聽漁子曲獨過水仙祠宛宛春深

候騰騰酒病時雛鶯知有恨啼斷綠楊枝

過蔣重光齋頭談去年穴地得古棺事感賦

棺中人官歿
儼然蓋蕭梁

時妃
嬪也

荒烟白草蘭陵路黃土如雲葬眉嫵通替棺歸姪女魂輒轆碑
記宮嬪墓陵谷遷移閱幾秋劫灰飛盡鬼神愁昔時青櫟叢高
冢今見朱門起豈樓怪底秋齋漆鐙出穴地驚看得奇物石塋
斑斑兕柳開梅灰臍臍犀釘脫玉容猶是故宮妝九樹花銅作
兩行殉葬未曾頒玉琬招魂不用拾香囊桐棺七尺無銘誌苔
繡模糊不成字廢井爭傳梁苑墓才人解說蕭家事可憐金粉
委蓬蒿零落殘骸認六朝麗質幾時花底活穠歡早向掌中銷

蠶雁無光沈壤道觸體那得重妍好夢破誰歌瓊樹花魂來應
化金釐草是處夷堅紀異多千年遺蹟未銷磨秋墳鬼唱黃華
子舊浦人逢鄭婉娥我亦三生怙恨客擁鼻微吟淚沾臆月落
墻門陰苔寒雨零石室愁燐碧三徑依然蔣詡家牆東便是玉
鉤斜春風怕到銷魂地桃樹年來罷作花

落花

落花吹不盡春亦戀江南日照犀簾押人窺玉鏡函砌香留
草筐煥長紅蠶歲歲銷魂候芳辰三月三

遊大樹園呈劉菽原

一徑穿蘿薜軒窗爲客開遙山似圖畫滴翠入亭臺鬬雀行階

草遊魚唼水苔微吟不成詠繞柱久徘徊

飛蟲低避燕戲蝶暗隨人偶爾尋幽徑難忘是晚春花房承泣
露日隙看流塵更愛蓮塘靜從君乞釣綸

班婕妤

一賦傷心掩淚題歌殘紈扇倍淒迷天教柘館摧龍種免向屏
風驗綠綈

題桃葉渡江圖

小艇明波入畫圖過江風調數官奴三生自謔情緣重記得卻
家阿姊無

李夫人

紫絲複帳輕如煙蕊宮飛下瓊瑤仙嬌鬢低擁黯無語一朵梨
花泣香雨珠樓小鳳聲唧唧鳴環戛月寒錚錚花雲如夢無留
影吹作煙絲墜秋暝銅蠹滴水更欲殘茱萸灰燼猊鑪寒回首
明星爛如石天乳無聲點衣碧

寄懷錢竹初

葡萄美酒瀉千鍾憶昨蘭陵雅會同南國清才推謝朓東陽狂
客認王融曉寒簾幕藤花雨暝色林塘燕尾風此日相思眇天
末爲君惆悵句難工

一舸寒江袂易分歸來孤館賦停雲六朝金粉還餘我兩晉風
流最憶君彩散魚霞明遠岫花開燕麥漾斜曛何年招隱山南

北好策華陽十寶文

彩筆江郎別恨多芙蓉江上水層波尺書寄去煩青鳥遠夢歸
來認綠蘿小搦狸毫慵作字偶敲銅斗不成歌相期射鴨菰蒲
裏獨速船頭舞短蓑

元亭寂寞掩藜蒿偶有人來聽解嘲睡起亂抽蟬簡讀吟成虛
費麝煤鈔紅珠的皪櫻垂子青玉參差竹破苞更拾汀洲芳杜
若臨風爲贈歲寒交

春感

侵曉空林鷓鴣鳴愁多不耐餞春行半池水氣蒸雲溼一角霞
輝抱日明到處揶揄應笑我此中空洞儘客卿洛生咏罷玄頤

坐一任人嗤老婢聲

九辨摹成楚些歌一通小字寄清河落花風定新詞富草芳春
深昨夢詔紅爛櫻桃垂蠶檻粉香蛺蝶戀晴莎無端煙景添惆
悵幾度登臨喚奈何

前身結習破書堆蠹簡零星散餅煤慧業生天誇阿客精心奉
道笑方回閒塗故紙酬詩債細拾殘花當酒材正欲劇談無客
到東頭老屋盼君來

謂荔裳

元亭門掩不迫興倦枕琵琶午夢餘嬾誦維摩金字偈細鈔靈
寶玉函書女牀聞集青鸞鳥碣浦誰乘赤鯉魚浪說游仙歸路
近五城樓閣是儂居

珠江曲送徐彥卿之粵東

芙蓉湖頭春水流芙蓉峯畔春雲愁沙棠雙槳木蘭桹送君遠
向珠江遊珠江曲曲環南國丁星金翠繁華窟蠻鄉怪物近龍
編海國方言通象譯蜃雨魚雲積水東山川形勢霸圖雄誰尋
葛令丹砂井莫問劉銀碧玉宮珊瑚扇子猩紅履珠江佳麗人
爭說採鴈花開艷雪香檳榔子熟晴雲熱珠江淺瀨激金沙素
足珠娘慣浣紗日煥章魚齊上水樹深么鳳共銜花富商巨估
相誇衍奇珍入手如泥賤蠨甲堆成亞字欄鮫絲織就冰紋練
君去珠江南復南珠官風俗舊曾諳秋深桂嶺爭鑽蝨春到花
田學種蚶誰誇羅襪凌波步葉葉花舡粵溪渡怕被嬋娟一笑

留莫耽香粉三年住十八灘頭走急瀧計程五月下珠江儻逢
庾嶺歸來使寄我羅浮繭一雙

鄴宮詞

歌吹西陵冷墓田珠襦甲帳散如煙祇應銅雀燒殘瓦曾見黃
星墮地年

晉宮詞

侵階細草綠纖纖祕殿春寒響漏籤日暮落花深似雪羊車不
認竹枝鹽

錢二十二韻

魚伯飛來後平添利海波斲銅耶水曲鑄幣厯山阿輕影翻鯨

甲花紋皺鳳羅五銖工剪鑿四柱細摩挲輪郭分烏漉文章備
隸蝌穿沙驚雀舞斫樹畏蛇訶臺上形成鴈鑪頭眼似鵝好從
牀脚繞誰向夢中磨箇是繁華窟真成安樂窩齊奴雄洛下姪
女富清河蕭庫懸標榜吳官衛甲戈營中贖才士帳下買青娥
藏處聞牛吼行來倩馬馱無緣休慕孔有癖定歸和積窳千緡
朽當筵一擲多裁皮嗤大業翦葉記閭婆只我偏窮薄終年歎
輶軻逐貧兒有賦得寶不成歌的的收榆莢圓圓愛薜窠書堆
將紙印山庫用泥搓壁立已如此囊空將奈何畫叉三十塊挂
壁羨東坡

芙蓉山館詩鈔卷二

原本
受業周爲漢校訂

芙蓉山館詩鈔卷三

金匱楊芳燦蓉裳著

梨花莊歌

相傳吳興富民置妾於此妾愛梨花曾植梨萬本今廢
址不可問矣作歌記之

荒村路邊蓉湖曲中有豪家舊金谷不見梨雲照眼明生憎草
露黏衣綠鏤檻文槐盡已傾繁華過眼易漂零空留壞道埋殘
甃誰向重樓問故釘昔年此地花娥住愛花曾作名花主豈
妬
璫鋪散玉塵蟻蛄胸拖圍瓊樹玉塵瓊樹擅豪雄人是吳興小
沈充買得嬌郎吹笛妙攜來姪女數錢工文魚兩兩隨蘭櫂夜

向蓉湖渡頭歇粉鏡妝成喚窈娘金屏開處迎桃葉愛種交梨
萬樹花萬花深護美人家雪明簾額倭香蝶月到樓頭噪玉鴉
陽春三月韶光裏朵朵寒香覆池水冶葉還遮種壁田交枝直
接燒金壘蠟枕膏毬夜宴遊最憐香霧捲珠樓綃衫舞罷迎人
笑素面勻來對影羞露腳飛飛風草草狼籍穠華滿層道舊井
唯栽北苑桃廢基留種東家棗回泐風流亦可憐荒苔何處葬
花鈿綠珠艷骨銷成土紫玉嬌魂化作煙黃蒿青櫟埋殘壠倩
誰重取芳根種壁紙慵賡江令詩看雲且續王郎夢翠燭無光
冷夕曛瓦棺玉雁鬱金裙多情應化紅心草歲歲東風護小墳
讀趙璞函先生姸雅堂詩集卽以用之

趙公側儼真奇才獨立南國風煙開詞場已推萬人敵墨池欲
引千瀾迴少年薇省然官燭旋賜牙緋直天祿妙選應歸劉祕
書詞人解識王甯朔劍外蠻兒竊弄兵虎符龍幟大軍行憂時
定遠甘投筆出塞終軍願請纓白鹽赤甲重山遠鐵騎無聲踏
邊草爲試千言倚馬才甯愁萬里盤羊道幕府將軍擁節旄飛
書馳檄爰枚臬鮫文劍重霜華冷燕角弓開月暈高銅鑣蘆營
邊辟惡萬帳弓刀排柞鄂才子能翻破陣歌征夫盡唱從軍樂
狡黠妖酋竟陸梁鐵菱鹿角少周防尸填柳港人無主箭盡廟
山事可傷身是三吳好男子七尺微軀明白死拌將朽骨葬沙
場賸有才名照青史生死終隨大將營望鄉腸斷沈初明誰憐

玉筍金闕彥聽盡冰車鐵馬聲千盤蜀棧鵲啼苦岷峽旂走
風雨英魄猶提甲盾行遺文應遣蛟龍護亟篋攜來一卷詩
挾華杼采是吾師還從擁鼻悲吟裏想見銜鬢畢命時曾看
勒石巴關口不遺雄文出公手一曲淒涼楚些歌招魂酌酒
公知否
題錢塘遺事後

萬里匡山浪卷沙西湖歌舞屬誰家樊樓鐙火銷沈久莫更傷
心讀夢華

出塞曲

甲騎秋風出玉關龍沙夜月怨刀鐙可憐思婦金闕夢不到燕
支塞外山

吳補仙告予有敬亭之行作此送之

我聞敬亭山色幽且奇
雲英石黛相參差
遠遊不得理輕策
十載空讀青蓮詩
吳郎款門造我語
別我揚颿敬亭去
攜將竹杖著芒屨
欬覽青蓮舊遊處
嗚呼青蓮蛻去經千春
長星黯慘無精神
青山面目尙如昨
冷眼閱盡登臨人
一般歸骨青山路
未許青蓮誇獨步
斷碣猶題小謝城
喬松深拱長江墓

賈島墓亦在敬亭

君到荒墳酹濁醪
焚蘭薦芷楚詞招
纛旗下食魂常在
彩筆成塵氣不銷
捫蘿附葛探巖谷
寂靜丹房待君宿
底須餐玉學三茅
不用泥金圖五嶽
身輕似挾青龍飛
目力所到窮煙濤
頭直突然犀渚皎
月長懸慈姥磯
斑狸捧硯青猿走
靈境天然落

君手破悶傾將酒百杯
嘔心著得詩千首
蕩蕩晴雲生遠愁
送君夜上木蘭舟
名山有約何時踐
千里隨君作夢遊

秋感

經案繩床半畝居
分甘遲暮孰華予
溪山深處招康樂
邱壑中間著幼輿
階草落紅依古石
池萍沈碧襯文魚
閒來結習銷難盡
又擲精神賦子虛

蠹粉芸煙困此身
臣精銷滅不如人
爭看碧漢翔威鳳
誰識空山泣餓麟
擲鏡底須誇骨相
登樓猶自憶星辰
百端交集傷衰樂
未到中年已惜神

一山狂歌鑿玉甌
好天良夜倚層樓
露凝清影隨雲散
星帶寒

芒入漢流記續齊諧工誌怪賦成楚些慣悲秋年光半爲愁孤
負滿架蟲書嬾校讐

清淚無端浣客襟凌秋小病瘦悵悵三生空鑄金爲骨百劫難
磨石作心喚鶴銜芝雲路杳隨狙拾橡暮山深聲塵寂寞尋常
事伯玉何緣便碎琴

喜汪容甫過訪長句贈之

汪生倏儻出世姿短衣孤劍將安之江湖流浪苦復苦人說才
奇窮更奇相逢每恨來何晚掃室殷勤開酒瓊糝將何點白葵
羹捧出休源赤倉飯狂來不顧世眼驚相對拉雜談生平文人
失職有同病出吻各作寒號聲君言稚齒饑寒迫棄擲詩書最

堪惜弱冠方傳作賦才壯年始奪談經席五經復興魯叔陵
纍纍著作充箱籟心開突突深莫測面若刻畫森有稜奔走風塵
饑欲死撐腸萬卷徒爲耳肉食難分博士羊草衣且牧公孫豕
羌余少小趨雕華斧綦繡悅相矜誇愛儲奇字未滿腹慣拈強
韻空罄牙千秋絕業不同傳君入儒林我文苑須識夔魃總可
憐何當蜚鉅聯爲伴坐談不覺日影移榜人催上河之麋卽今
一見復奚益翻令千里勞相思留君不住我心苦握手臨歧涕
如雨他時相望越王臺何日同澆趙州土布帆無恙凌風颿秋
來應看錢塘潮潮頭儼有雙赤鯉盼君寄我英瓊瑤

和吳斧仙韻卽以贈之

桂華露樹兩依然底事君家作謫仙一轉風輪殘劫夢半龕雲
影現身禪饑餐庾杲籬邊韭貧儻張融岸上船世路崎嶇雲路
杳此生無計了愁緣

懷刺恩恩越故鄉凍雲泥絮又飛揚春江送別人千里遠道歸
來字半囊京口濤聲春客枕敬亭山色照行裝但教一拜青蓮
墓憔悴窮途總不妨

依人心事最無聊水驛山程暮復朝旅食三旬餐餽飢秋風一
夢落團焦祇應橘叟隨林住多事桃人逐浪漂從此天涯遊興
倦故園堪隱不須招

去本無端住亦難胸襟半落不成歡神鼎在野呼爲馬惡草充

韓目以蘭剩有悲聲歌獨漉并無佳夢到邯鄲靈方檢得銷愁劑願向金仙乞一丸

藥裏香餕苦復甜伽妙偈六時拈更攜短鉢朝栽樹獨對殘鐙夜織簾入世有緣能作達求人無術轉疑廉樂行苦住君應悟莫問牆東季主占

醉鄉深處易句留歡伯相邀便解愁破鏡蛾眉雲疊月虛牕龍氣劒花秋雄心不死抽金鞘好句如仙詠玉鉤倚酒懷人清不寐今宵鮑照在南樓

秋雨歎贈顧韶陽

西風作商聲嗚咽不肯住吹聚秋空萬疊雲竟夕淋漓雨如注

荒階汨汨盈塗泥茅簷偃側如雞棲苦吟杜老秋雨嘆捉鼻未
免聲酸嘶感君有情能念我十日柴門九相過劇憐同病話悲
辛誰遣頻年困寒餓短衣破帽顏如灰坐受俗物相填狝雄文
百軸復奚益治生無術休言才狂蹤落拓棲榛莽親串經時罷
來往肥馬當風避市兒枯魚啣沫憐吾黨空思懷刺浮江湖足
迹到處皆窮途無錢誰識趙元叔索米恥詣陶胡奴如此幽寒
坐嘯哂逢人未肯低顏色客來莫解身上襦顧郎本是難衣食
峻嶒傲骨無與儔如君未合終窮愁悲聲激激歌楚調雄心憤
憤看吳鉤男兒不灑牛衣涕何事差堪快人意萬口爭傳白雪
詞十年未減長虹氣勸君且止聽我歌歌成其柰聲繁何君行

不蒼掉頭去著屐撩衣踏秋雨

寄朱紫崖

歲晏孰華予端憂守敝廬
邠寒行酒後抱病罷吟餘
涉世乏良策報君憑短書
齋前松樹子楚楚近何如

一片多情月清光正抱肩
相思無好夢孤坐撫危絃
雁警殘鐘夜梅開小雪天
何當乘逸興便泛剡溪船

春陰撥悶

半畝閒齋坐悄然香鑪貝典共延緣
亡機不看麝棋譜任俠遊
鈔說劍篇遮莫風光過上已可堪哀樂感
中年好搆小榻簷花
下卧過春陰二月天

冥濛寒雨殷輕雷
深院閒階闌綠苔
時有野禽窺戶入
惜無佳客款關來
隔簾花醒前塵夢
經宿香閣小劫灰
一自故人千里別
春醪釀就罷銜杯

殘蠟青熒伴夜分
空絲雨白紛紛
人遊燕國三更夢
春殢梨魂一徑雲
苦爲閒愁常掩閣
任從佳節到蒲裙
怪來觸景添悵

悵昨日河干別卯君

時二弟北上

藥鑪茶臼爨煙絲
小院更深坐雨時
幾度拈毫知思澀
偶來敲枕得眠遲
煥風旋藥浦衣句
雪水桃花饋面辭
別有深心託繖素
任人猜作有情癡

寒食日郊行口占

偶攜吟伴過前邨
寒食風光愴客魂
一樹桃花殘照裏
冷煙如夢不開門

小除日魏塘歸途偶作斷句

歸思怱怱逼歲除
落然寒事憶吾廬
渡頭喚得蜻蛉小
半載行裝半載書

雁字斜書黯澹天
濛濛寒綠一湖烟
龍工欲作連朝雪
無數青山已著棉

漁佃曬網夕陽西
水淺魚寒盡入泥
閒煞風標雙白鷺
無端忍凍立前溪

茅屋臨流三兩家
垂垂雪壓短籬笆
停橈欲問春消息
凍損寒

梅未着花

衾鐵生寒卧有稜霜痕澹白月華凝短篙撐出橫塘路聽翼中
流瑣碎冰

敗葦無風亦自搖滿天星影冷蕭蕭艣聲如雁催歸急送過吳
淞第幾橋

樽酒沙鷗共數公手攜鐵笛過垂虹詩人一舸渾閒事佳話偏
傳白石翁

莖門松雨晚冥冥幾杵疎鐘隔浦聽遙指落帆風色外斷橋漁
火兩三星

安心畢竟是吾鄉碧磧紅泉引興長細嚼梅花三百朵儘教空

腹貯寒香

晚春花事甚盛因寄懷亦齋兄荔裳弟

去年看花人在家一春風雨空嗟呀今年花開春色好看花人
又涉長道從來勝事總多磨每向東風喚奈何九十韶華逐塵
土兩三伴侶隔關河昨日曾過妙香閣永晝沈沈下簾幙蜂聲
滿院夕陽斜一架藤花背人落歸來孤坐傍闌干抱影空堂慘
不歡歎盡銅鏡人未睡薔薇花底露華寒醉紅軒駐東皇駕劉
侯酌我來花下仙娥高捧赤瑛盤狂客爭持青玉斚是處看花
勝昔年紫雲樓閣碧霞天銷除詩債何辭醉領取春光不費錢
對景真應放懷抱底事閒愁倍潦倒白日惟看北嶺雲清霄不

夢西堂草春來花事逐番新
每對新花憶故人
早茲橋頭稀酒
伴青楊齋裏剩吟身
錦江水煥賓哥渡
紫陌塵高卯君去
鄉信
千行託便風
岐途一別悲零雨
東頭老屋更西頭
猶記年年選
勝遊裏底新詩飛白鳳
筵前妙令鬪潛虬
別離未慣多僞態
翻悔當時易分手
一語憑將驛使傳
故鄉風物君思否
春事闌珊
花信遲別來何日
不相思
櫻桃著子如紅豆
轉眼江南四月時

秣陵城南晚步

殘柳萬千絲
寒花三兩枝
心期正寥落
况復晚秋時
蕭瑟秋將老
登臨客未還
暮雲濃似墨
畫出六朝山
小駐青驄馬
無人問阿歡
南朝金粉盡
空到大長干

悟得空王偈回頭總劫灰棲鳥如有恨啼過雨花臺
新愁長短笛舊事去來潮一抹荒烟裏逢人問板橋

贈何南園

我來秣陵城十日頓征轡得逢何仲言一見託深契示我詩百
篇才情極清麗朱弦海上彈獨鶴雲中唳澄心領眾妙爽朗絕
氛翳下士競浮夸雅音久陵替懷哉陶謝手非君復誰繼愧余
莖陋妾得把浮邱袂許作忘年交齊肩若昆弟君家城南隅興
到輒見詣形骸互脫畧談噱到微細悉君適年况棲棲若失意
運去百謀拙貧來一身贅昔年東輕裝浪游越齊衛風塵困馳
逐山川莽迢遞家遙魂夢勞客久衣衾敝弱軀漸成瘵腰腳增

疲曳驅車歸去來養疴室常閉荒徑塞藜蒿窮年飽糲况復
歎無衣天寒北風厲淒涼一歲中生事那堪計吁嗟文人命今
古同一例趙岐憫厄屯吳均悲侘傺萬事與時違千秋令人涕
爲君抗聲歌清商激淒戾君復顧我言近頗識通蔽把書攜際
饋行樂林間憩吳兒木石腸樂饑可卒歲始知騷雅人胸次與
俗異溫柔存古風灑落見高致所以篋中作絕無不平氣惜我
塵累多慙慙買歸棹未得諧素心晨夕相砥礪愛君不忍別臨
岐淚難制殷勤進苦言鄭重申明誓浩浩長江流蕭蕭片帆逝
別後儻相思望寄平安字

贈蔡芷衫

南都萃人文蔡侯最英絕作作龍泉鋒稜稜渥洼骨入世寡所

諧終歲掩蓬華所以夸毗人豈能識其實我暫遊秣陵深心訪

奇傑相逢陳孟公

謂古

鄭重爲余說說君抱高才窮巷閣巾褐

聯袂急訪君排闥造君室君爲倒屣迎一見兩心折詰朝肯顧

我不鄙我凡劣果幅贈我詩雲詭而波譎軒然俊懶舉書告長

鯨鯨鱗鱗篆籀鼎璀璨金玉玦拜賜緘篋中至寶詎敢藝君才

猛且銳百氏盡穿穴撐腸五千卷文字浩盤鬱筆底怒生花眼

中森有鐵勸書霽懸手論事廣長舌平談若囊齔刺刺不可厭

我亦誇辨才對君成木訥磊落如此人宜充金閨列誰使驅風

塵十步九蹉跌獻策棄不收謀生動成拙打頭茅屋低露肘鵝

衣裂無邊愁苦境天爲文人設君言邇年來萬念逐灰滅唯餘
愛客心耿耿腸中熱留我作狂飲壺榼自提挈家肴極甘脆村
醢頗消例窮交一飯恩真摯非瑣屑惜我難久留歸心迫冬節
暫遇卽言離團雪復散雪男兒須落拓快馬須踈齧一生重意
氣世事等蠓蠅渡口喚歸船寒潮正鳴咽星月夜明明照我與
君別

秣陵月夜

如鏡南朝月和烟蕩冷光曾從芳苑裏照過美人妝小劫三生
夢微吟九轉腸芙蓉知我恨一夜褪寒香

金荔屏招集隨園同何南園蔡芷衫方子雲卽席呈簡齋

師三十六韻

千載蘭臺聚風流未寂寥許參名士會急赴故人招地借鱸堂

近游經鶴苑遊

是日先過
隱仙巷

問奇應載酒躋勝遂聯鑣閨歲冬猶

煥名園景正韶早蓮紅瓣瓣寒柳碧條條苔皺細紋纈簞抽白

珣簫枳籬懸橘彈萍沼漾魚苗盤磴玲瓏鑿飛樓彩翠描簾旌

垂軟繡牕眼嵌明珎偶語憑虛檻徐行過小橋繞林花欲笑出

徑鶴相邀東閣張筵早南皮發興饒奇珍鏤蚶蛤佳味莖橙椒

綺席蘭羞薦瓊鼎桂露澆氣豪斟百榼戶小盡三蕉雅會同游

霧高談競虬霄傳觴新令甲佐飲古歌謠舊手推無敵羣才盡

不驕繁星羅皎月巨海納迴潮絳帳彭兼戴龍門薛共姚締蘭

齊臭味倚玉各丰標燭祇三分刻香纔一寸焦孽箋看錦爛落
筆訝珠跳青兕才真健黃獅鼎果超酒頻傾畢窶詩已滿唐瓢
離坐天曠黑循階夜沈寥雲綃圍月額水帶束山腰砌溼梅灰
脫欄空蕙葉雕蝦蟆更緩緩薜荔雨瀟瀟斑竹畱賓榻紅泥坐
客寮歡宜終此夕別莫問來朝密契纔投綽浮蹤偶聚藻感君
陳酒炙祝我抵瓊瑤邦壘論千古聯床夢六朝他年儻相憶記
取此良宵

江樓曲

花落黃陵叫子規江樓楚雨白于絲
范人怨別湘娥泣水色山光自古悲

鳳齡山

鳳齡簡齋師侍姬妹也幼鸞某姓爲贖歸育之年十六
媵隋生川增虐於大婦投繯死師述其事作詩紀之

汝南太史人中傑文采風流世無敵羊侃筵前舞裏圍馬融帳
外金釵列我是彭宣到後庭隔幃絲竹許同聽酒酣振觸平生
事向我低徊說鳳齡鳳齡本是蘇臺女貧向豪家傍門戶牙郎
那解惜娉婷寵妾由來耐辛苦攜出淤泥一瓣蓮青衣纔脫便
登仙漫拈郭璞三升豆判費初明十萬錢關情三五韶年紀連
髮初齊試羅綺碧玉嬌癡未有夫桃根宛轉長依姊愛惜盈盈
掌上身恐教辜負永豐春誰育絡秀堪同老願把西施別贈人

堂前文讌多賓從，隋郎風貌偏殊衆。照影人誇城北徐，嬉春女
愛牆東宋。珍偶相看已目成，許將紅粉嫁書生。重重錦幔憑私
語，叩叩香囊易定情。蘭期初七，銀河渡，啼痕滿面登車去。從此
茫茫萬劫塵，回頭迷卻仙山路。銅街別館，忙嬌姿，蹤迹難教大
婦知。綃帳香濃，檀枕煖，一絢絲絡幾多時。宜城郡主威名重，搜
半驚破巫雲夢。浪說王家九錫文，短轅長柄成何用。架上拋殘
金鏤衣，篋中奪去紫鸞篋。粉痕狼籍垂鬟卸，扶入車中不敢啼。
檀郎隔絕無由見，秋雨秋風閉空院。九轉柔腸對暗鐙，千行愁
淚吟團扇。絕粒非關愛細腰，典衣何計度寒宵。膚皴瘦玉心還
熱，口嚼紅霞怨不銷。鳳縈鸞篋經半載，九死窮泉更何悔。只是

難忘舊主恩留將一綫殘魂待更念同根兩地分蘭幃應亦痛

離羣一朝噩夢花辭樹百種癡情泥憶雲誰知路比蓬山峻更

無青鳥通芳訛繡幃頻迎那許還黃柑遙贈知無分

二句用本事

絮

果蘭因去住難揀將弱息自摧殘腰閒三尺冰文練百轉千回

掩淚看黃昏人靜重門閉沒巡覓向南枝繫紅蠟纔灰輾轉心

冰蠶永斷纏綿意鬱埋香土一坏長干西去板橋頭空林鶻

語三生恨幽墮螢飛獨夜愁浮花浪蕊消彈指究竟韶顏爲誰

死殺粉靚書墮淚碑然脂好鱗傷心史只悔當初作鳩媒生將

珠玉委蒿萊縱教採盡中州鐵鑄錯無成劇可哀我聞此語心

驚詫潛潛涕泗綠纓下譜就悲歌付鈿箏題成恨字盈羅帕療

妬神方秘不傳塵寰無地著嬋娟
丁甯好向泉臺住莫續韋家
再世緣

舟過青浦

夾岸山如畫乘潮晚放船
市聲煙外合城影浪中圓
薄醉聊敲枕微吟漫叩舷
今宵如有夢應遶泖湖邊

泖湖

遠火兩三星空波接杳冥
雲英浮水白月魄盪烟青
客裏吟懷闊風前酒面醒
聲聲漁子曲獨夜不堪聽

客館孤坐

疊鼓聲聲促南樓客未眠
夜長星替月秋冷水生烟
憎影移孤

燭凝情擘小牋故人各異縣離夢杳無邊

鳴雁行

旅雁向南土鳴聲一何苦天長水闊儔侶稀高飛怕觸虞人機
愁雲塞空驚濤如瀉荒蘆蕭蕭徘徊不下天涯雖好足稻梁何
如棲穩在故鄉

江上琴興懷宋茗香

楚樹葉微脫倚舷調玉琴涼風送高雁秋意滿空林極浦起離
思勞人生古心泠泠七絃定明月落江潭

寒夜讀鄒冷齋見寄詩有感

寒雲翳空葉滿地客子悲秋少歡意獨坐偏多嘆喟聲苦吟總

帶蕭騷氣攔得鄒陽贈我詩行行小字界蠶絲百回擊節釭花
施五夜高歌漏箭遲含商咀徵調清角楚客么絃漸離筑忼壯
陰山勑勒歌悽涼北國摩支曲回首天涯落拓身更番歌哭認
前塵無端此夕添根觸一聽清吟一愴神嗚呼男兒富貴須年
少底事窮途歎潦倒當世中郎不易逢得時鄧禹應相笑勞勞
人事日侵尋齒粉芸烟損壯心銷殘一刺懷中字擊碎千金市
上琴殘羹冷炙侯門下可憐名士同奴價窮年無策卻饑寒失
路原應被笞罵對面輸心背面疑異鄉誰與話襟期名心未死
才先盡俠氣難銷骨尙奇到處生涯傷刺促上車著作空盈軸
記得相憐有故人鄧魴失喜唐衢哭落落落晨星聚會稀兩鄉相

望各沾衣暮雲春樹新吟少綠韭黃梁舊事非

謂洪雅存方子雲諸君

乍

得君詩覺神王慷慨爲君發哀唱庾信悲來涕淚多鮑昭吟罷
音辭壯心事波濤觸處驚床頭劍作不平鳴與君同是飄零客
不待相逢已有情

將赴金陵晴沙舅氏招飲卽席畱別

饑來驅人不得住片帆行指金陵去感公折簡招我來高齋夜
飲開樽霽月明光光燭花短促坐行觴不嫌緩匣中寶劍波濤
驚一生知己恩分明憶昔髫年弄筆墨爾時公面我未識巴樹
蒼茫棧雲黑彷彿中宵見顏色濯塘水漲雙鯉魚聊持小札通
起居秋來水落得報書真珠密字千言餘憐我生涯久憔悴爲

勗榮名須自愛五湖更約扁舟載狎鷺閒鷗苦相待去秋公鳳
歸來篇我初聞之喜欲顛登堂再拜捧公手示我新吟三百首
公詩跌宕無不有醉墨淋漓揮一斗謫仙才謫夜郎西少陵格
律變州後前身應是餐霞人意所到處皆煙雲眼中碌碌輕餘
子只說文章歸阿士向人誇我不去齒愛我如公合心死芙蓉
湖水搖漣漪遠山照人青半規簪簪榔栗相追隨坐談竟曰忘
饑疲况兼竭末才無兩文陣相鏖不相讓堪傲王符無外家敢
說魏舒成宅相苦恨青年多事身醉中又別謝池春東山儻賭
圍棋局可念羊家乞墅人

方子翼喜余至作轉韻長句枉贈卽用余去歲寄鄒冷齋

詩韻作此荅之

去年相望蘭陵地，暮哨朝吁少歡意。今年相遇秣陵城，橫行闊
視增豪氣。白遍吟君贈我詩，苦心一縷裊蠶絲。彈成側調攏絃
急，度出雙聲按拍遲。嘹亮疑吹燕客角，蒼涼似擊秦人筑。爲訴
離時夢短長，故教聽處腸迴曲。兩載天涯飄泊身，路旁花柳馬
頭塵。芳時常負琴詩酒，獨夜惟看形影神。飛飛黃雀尋年少，舊
游如夢還重到。欸戶看君到，屣迎登堂爲我開。顏笑揭來勝地
慙幽郭。是日遊雨花閣對話平生骯髒心，王筠好句新花鳥。裴綽高談
古瑟琴，紛紛程李才中下一錢。不值甯論價，奇才失路始堪哀。
暨子成名何足爲，墨癖詩狂兩不疑。名山絕業早相期，也知墮

地星辰誤猶喜凌雲筆札奇我輩生涯應刺促幾見稀膏運方
軸到手千杯雜怒嬉入腸百怪工歌哭如此江山天下稀無端
用古淚沾衣瓊枝璧月嬌歌歇紫蓋黃旗霸業非醉墨淋漓神
忽王可獨君家擅高唱喚起齊梁六代人聽我長吟激悲壯回
首春光去可驚枝頭鶡鴒正悲鳴與君早訂重來約我愛青山
不世情

方子雲三疊前韻何南園蔡芷衫李瘦人燕山南俱有利
章因繼作誌謝

三載飄零各天地重逢得遂平生意舊侶依然金石心新交更
有風雲氣才人南國總工詩妙句傳來盡色絲自媿投魚同傳

絳漫誇乞錦向邱遲絕技誰吹柱閒角擅長誰擊當筵筑流麗
誰工雜組詞纏綿誰譜雙聲曲同是萍浮梗泛身故將溫語慰
風塵窮年浪走車生耳深夜高歌筆有神容易拋人是年少轉
頭三十駸駸到但博填胸萬斛愁難尋開口千場笑感君愛我
屢招尋爲訴男兒一寸心掌上結交須利劍篋中同調有青琴
九天咳唾隨風下靈珠美玉俱無價但得名流挂齒牙未妨俗
客長嘲罵青眼相看莫復疑空王香火有前期三生劫轉情難
盡千里神交夢亦奇詩筒來往相催促會見華牋積成軸就中
悲喜兩無端香桃自笑枯桑哭明星落落漏聲稀五夜沈吟起
攬衣眾許清狂同趙壹我知孤憤似韓非伯歌季舞神俱王白

雪家家擅高唱聽來已覺客愁銷
搗去好教行色壯累牘連篇
世莫驚由來鸞鳳不孤鳴他年
兩地相思處對此應添十倍情

澄心堂紙二十四韻

記昔風流主爭雄翰墨場新詞何妙麗
小札最精良巧織光明
錦勻鋪細膩霜品方蠶繭重價比衍波
昂進御君王笑拈簪女
史忙繙來金葉底壁向綺筵傍妙墨留
仙子

耿玉真

香經寫法王

紅鈴著鍾隱艷曲記娥皇方麤黃羅面
燒檀紫錦囊一般供玩
賞終古怨興亡五夜家山破千年劫燼
颺灰都作蝴蝶魂不化
鴛鴦風送迎降表星飛告急章聚時勞
護惜散日太蒼惶故國
春江冷羅衾夜雨涼纏綿歌半闕慘淡
墨千行無復迴鸞影空

教齋蠶糧叢殘歸史館粗使給文房
消化銀鉤揭宣和玉局藏
謠纔聽白雁識又應紅羊梅老新詩在王郎
舊志詳奇珍易零
落尤物幾滄桑兩軸如相贈千金可許償
好同龍尾硯軼事話
南唐

楊花四首

垂楊千樹又吹絲滿眼春雲乍熱天
弱質怕沾三月雨閒愁慣
惹六朝烟撲來帳底渾疑夢扶上釵頭
便欲仙記說長秋宮畔
路有人拾得淚潸然

獨向花階取次行
縈肩拂面儘逢迎
隋隄流水前身果巫峽輕
雲出世情翠裏啼痕金黼澹紅牖
魂影不分明願他化作青萍

子傍著鴛鴦過一生

生來心性最天斜慣逐春郊鉤尾車掠水燕迷千點雪窺牖人
隔一重紗粉棉宛轉裝花額香霧朦朧護月牙何似魏郎驚蛺
蝶東家飛過又西家

盼斷天涯長短亭杜鵑聲裏怨飄零未應鬢角添新白已覺眉
梢換舊青送去花魂須緩緩拈來春恨只是星星眼前指點瑤臺
路莫逐東風舞不停

碧紗幮十六韵

紫貝冰紋檻明螺堦字櫺桃笙涼乍展網戶靜初扃
扇教移雲母屏千絲成巧製十幅可中庭水玉寒纔凝秋雲澹

欲停薄倖裝翡翠輕翅擘蜻蜓暗分光綠蟾孤逗影青雙烟
縈寶篆列點數空星燈穗看來澹花房摘處馨倦眸時句線悄
語倍瓏玲小挂龍皮拂勻排犀角釘密防蟲陣入慢遣蝶魂醒
白板烟中舫紅羅水上亭清疑逼溟滓深好護娉婷徂暑眠方
穩遊仙夢亦靈碧城十二曲曲曲記曾經

秦淮秋泛同子雲竹西作

花外樓臺柳外橋倚闌吹斷玉人簫燈迴翠裏移秋舫簾卷明
星落夜潮鏡闌香痕彈璚粉屏山烟影護龍綃寶釵桃葉銷魂
地涼月殷勤照六朝

得二弟歸書感而有作

飄泊憐吾弟，饑驅傍壻鄉。
誰傳方寸札，頓觸九迴腸。
久別顏應改，將歸話轉長。
計程人漸近，屈指慰高堂。

記得分攜日，千回獨愴神。
媿余長坎壈，累汝久風塵。
別夢迷中路，歸期及小春。
嬌癡諸弟妹，燈下說行人。

兩小爭梨栗，風光在眼前。
如何成遠別，不信已三年。
夜月黃河曲，秋風白雁邊。
懷鄉心一片，應伴客帆懸。

青雲俄鏃羽，門戶苦難持。
惻愴悲秋賦，淒涼下第詩。
多應識字誤，只恨報恩遲。
無限難言意，天涯獨爾知。

伏枕思陳事，中宵夢屢驚。
去留俱失計，爾我兩無成。
月黑烏啼樹，天寒柝繞城。
不堪檐外雨，已作對床聲。

渡江

三兩明星墮寒水戍鼓頻催榜人起爭拽青蒲十幅帆東風吹
轉銅烏尾船頭日出看漸高水光明豔翻紅綃回頭卻望隔江
樹一碧欲與空煙銷昨宵猶是江南客今晚維舟住江北渺渺
滄波千萬重多恐夢魂歸不得

揚州

細浪浮蘭橈斜陽上畫樓一聲新水調六代舊春愁快語思騎
鶴孤懷擬狎鷗客囊羞澀甚辜負少年遊

莫唱安公子隋家事可憐瓊花春九十錦纜女三千墓古埋荒
草魂歸化杜鵑吳公臺畔柳空自鬪嬋娟

小杜狂遊地奇章幕府開青樓十年住紅粉兩行迴惆悵尋春
夢飄零作賦才二分今夜月曾受品題來

懊惱征程急孤帆掠岸行空波流月影小市沸鐙聲酒薄愁難
卻衮寒夢不成長吟鮑家賦草草別蕪城

阻風淮陰

淒涼中酒阻風天北望淮南路渺然市上兒童皆大俠雲中雞
犬盡神仙碑殘尙識前朝壘米賤多逢估客船我亦窮途憔悴
客耻緣一飢乞人憐

茫茫回首百愁侵底事天涯嘆滯淫漸覺風煙非故土只餘僮
僕尙鄉音擁衾半晌闌珊夢倚劒千回宛轉吟不信南中丹橘

樹到來便易歲寒心

荏平道中月夜

戍樓統統催嚴鼓孤館蒼涼月當午暗魄應憐獨夜長清輝慣
照離人苦獨夜離人望欲迷白沙如雪路東西若教天上無圓
缺那得人閒有笑啼照壁昏鐙落殘穗卻看孤影驚顛顛靈藥
何曾療別愁方諸只解流清淚見月方知一月行碧空迢遞夜
無情吹來一片清霜影添上千羣冷雁聲藜牀土銼凝塵重推
枕徘徊不成夢警夜悲船著意吹卻寒濁酒無人送回首吳關
有所思慚腸芳訊月明知問他故國三千里開到繁枝第幾枝
吹盡纖雲更清廓漸覺斜光向人落刀上鏤留只半規匣中鏡

破無全郭星斗離離夜向闌荒雞啼喔促征鞍盼他三五團圓
夜便許征人馬上看

過平原

北風吹驚沙如雪撲人面郵亭痛飲不成歡驅馬夜過平原縣
此時卻憶平原君雄豪意氣干青雲黃金隨手散如土門前珠
履來續紛受君知重爲君死我亦人閒報恩子蓬蒿已沒趙州
墳四海茫茫向誰是千金劍已折五色絲成灰俠骨欲腐雄心
摧北行觸處增感激明月又上黃金臺

弔陳思王墓

寂寞魚山道千年草自春此間歸骨地猶識建安人健筆空今

古雄才邁等倫文星流異彩紫嶽孕奇珍公讌南皮郡陪遊漳
水濱高談能破的小伎亦通神恩寵原難恃威儀太任真褊心
餘子妬異目乃公嗔空說才無敵甯知命不辰憂生貴公子屈
首老藩臣岐路悲黃髮高天隔紫宸轉蓬無住著煮豆太酸辛
計已輸吳質讒偏遇灌均九關雲黯黯眾口大猶猶飄泊還還
郡艱難託懿親風高摧勁羽浪濶損修鱗洛浦留殘夢遮須認
後身蓬山纔歷劫桑海幾揚塵壞道沈金雁高原泣石麟一杯
澆濁酒三步轉征輪倘給蘭臺札客參桂苑賓君應愛校馬我
詎讓徐陳代隔交堪訂名高迹未淪徘徊夕陽下嗚咽欲霑巾

春草篇送陳秋士歸毘陵

江南二月青青草離家便憶還家好燕臺三月草青青送客偏
傷作客情一般春草天涯路我自遠來君自去極目芊綿長短
亭一年兩度銷魂處共向壚頭貰酒錢醉來草路踏空烟立當
夜月寒無影吹上春衫色可憐故園誰把文無寄正是芳時理
歸計難忘春暉一寸心易垂南浦千行淚此去揚州廿四橋片
帆又挂白門潮荒荒舊址尋三閣脈脈斜陽認六朝馬頭烟雨
春愁重千里萋迷遠相送我亦裁詩寄阿連東風綠遍池塘夢

曉起記夢

敲牖小雨作春聲涼壓羅衾睡失明夢到桃花最多處滿身香
露聽流鶯

得錢生竹西書卻寄

玉河橋下春波綠，網得錦鱗三十六。中有真珠密字書，封題遠
自章江曲。去年君向章江行，秦淮水落秋潮平。勞勞亭邊折楊
柳，驪歌悵斷難爲情。今年我作長安客，回首雲波萬重隔。青峯
江上數才華，瓊樹風前見顏色。歷歷前塵費夢思，燒蘭擘錦記
年時。愛君俊健空餘子，媿我迂疎作導師。書中不盡纏綿語，上
言雲樹相思苦。下言五月下章江，還到金陵舊遊處。金陵是處
好樓臺，近水紅闌面面開。李約人瘦方干子雲無諠在，掃除花徑待
君來。知君才氣橫寥廓，盡捲波瀾歸少作。舊蹟重經蔣帝城，壯
觀曾上滕王閣。只我愁吟度一春，出門怕踏軟紅塵。誰憐老屋

挑鐙夜絕憶元亭問字人

送汪劒潭歸揚州

卽題其赴
遊詩稿後

鏡湖水色桐廬雨蕩槳吳娘浣紗女落絮遊絲舊夢長迷離心
事分明語久識君身是謫仙再來仍坐有情天么絃音響悲卽
許青鳥文章奇可憐玉啼寶唾當風墜澹是墨痕濃是淚攤鼻
鐙前破寂寥牽愁鏡裏添憔悴似綺年華彈指過只餘冷習未
銷磨香詞百闕拈紅豆淨業三生禮貝多相逢握手靈臺下君
正金門報聞罷客路無邊宛轉愁清宵有限淒涼話孤劒單衣
作急裝江南花落好還鄉嫌身李廓頻垂淚失路溫岐易斷腸
君家記住紅橋口銷魂板渚絲絲柳畫檻春風盡捲簾青旗細

雨爭誇酒我亦懷鄉作越吟
清秋準擬其招尋好堅跂石眠雲
約一慰傷離惜別心

芙蓉山館詩鈔卷三

原本
受業錢情履校訂